

卷

喪中行祭

五服變除

父在母喪諸節

出母嫁母喪諸節

喪父母喪諸節

妻喪諸節

長子喪諸節

傷喪諸節

為人後者本生親喪諸節

出婦女本生親喪諸節

妾子本生親喪諸節

師友生喪諸節

禮疑類輯

七

禮疑類輯卷之十三

喪禮

喪中行祭

總論

栗谷曰凡三年之喪古禮則廢祠堂之祭而朱子曰
古人居喪衰麻之衣不釋於身哭泣之聲不絕於口
其出入居處言語飲食皆與平日絕異故宗廟之祭
雖廢而幽明之間兩無憾焉今人居喪與古人異而
廢此一事恐有所未安朱子之言既如此故未葬則
準禮廢祭而卒哭後則於四時節祀及忌祭

墓祭亦同



服輕者

朱子喪中以墨衰薦于廟今人以俗制喪服當墨衰着而出入若無服輕者則喪人恐可

以俗制喪服行祀

行薦而饌品減於常時只一獻不讀祝不

受胙可也

擊蒙要訣

同春問古禮雖有喪三年不祭之文然亦不可膠守如何則可以得禮之中歟沙溪曰程朱諸先生說可考而酌處之

問伊川謂三年喪古人盡廢事故并祭祀都廢今人事都不廢如何獨廢祭祀故祭祀可行朱子曰然百日外方可然奠獻之禮亦行不得是鋪排酒食儀物之類後主祭者去拜若百日之內要祭或

從伯叔兄弟之類有人可以行或問今人以孫行之如何曰亦得○又曰期大小功總麻之類服今法上日子甚少便可以入廟燒香拜古人總麻已廢祭恐今人行不得○竇文卿問夫爲妻喪未葬或已葬而未除服當時祭否不當祭則已若祭則宜何服朱子曰恐不得祭熹家則廢四時正祭而猶存節祀只用深衣涼衫之屬亦以義起無正禮可攷也忌者喪之餘祭似無嫌然正寢已設几筵卽無祭處亦可暫停○答胡伯量曰薦新告朔吉凶相襲似不可行未葬可廢旣葬則使輕服或已

除者入廟行禮可也四時大祭既葬亦不可行如
韓魏公所謂節祀者則亦如薦新行之可也○答
曾光祖曰家間頃年居喪於四時正祭則不敢舉
而俗節薦享則以墨衰行之蓋正祭三獻受胙非
居喪所可行而俗節則唯普同一獻不讀祝不受
胙也○答范伯崇曰喪三年不祭但古人居喪衰
麻之衣不釋於身哭泣之聲不絕於口其出入居
處言語飲食皆與平日絕異故宗廟之祭雖廢而
幽明之間兩無憾焉今人居喪與古人異卒哭之
後遽墨其衰凡出入居處言語飲食與平日之所

爲皆不廢也而獨廢此一事恐亦有所未安竊謂
欲處此義者但當自省所以居喪之禮果能始卒
一一合於古禮卽廢祭無可疑若他時不免墨衰
出入或其他有所未合者尚多卽卒哭之前不得
已準禮且廢卒哭之後可以略倣左傳杜註之說
遇四時祭日以衰服特祀於几筵用墨衰常祀於
家廟可也左傳僖公三十三年傳曰凡君薨卒哭而祔祔而作主特祀於主蒸嘗禘於廟
杜氏註謂此天子諸侯之禮不通於卿大夫蓋卒哭後特用喪禮祀新死者於寢而宗廟四時常祭自如舊也
○楊氏復曰先生以子喪不舉盛祭就影堂內致薦用深衣幅巾祭畢反喪服
○栗谷曰云云
上見
○龜峰答栗谷曰云云
詳見喪中行祭服色條

同春曰金承旨兄在憂中欲依朱子略倣杜註之說
栗谷所論行時祭於先廟與几筵僕以爲朱子之教
前後似異雖未知孰爲定論而楊氏旣并引諸說而
斷之以夫子之所自行其言甚明其禮甚順况喪中
行盛祭畢竟可疑并行於几筵尤屬可疑何必捨明
白易順之教而從疑晦難知之禮乎

答姜文星

問三年內祭祀朱子答或人胡伯量曾光祖云云從
第一說則似謂主祭者雖叅祀而奠獻之禮則不可
親行也第二說則只言使人代行奠獻之禮而却無
主祭者叅祀之意第三說則又似親行奠拜之禮斯

三者將何所適從耶云云

宋奎瀛

尤庵曰三年內大小

祭祀朱子有前後三說之異同然各有義意皆無不可遵行者矣曾見太僕從兄在內喪值考忌使人代奠而以布直領頭巾於奠酌之後伏哭而退似主第二說而叅以哭之之節恐於情文爲得也若依第三說而親行如俗節則其儀本自簡略無可減殺矣如忌祭則恐當只一獻如要訣之儀矣只要訣不受胙三字自是衍文而後人不敢改耳忌祭出主時恐不宜昧然則告辭恐不可已也但告辭雖不書主祭之名而考妣之號則不可不書蓋其實主人告之也合

葬墓祭豐殺當以尊爲主若於考位減殺則於妣不可獨豐又不可豐於妣之故而亦豐於考也大槩三年內墓祭家禮之所不言而亦難義起如是參酌則亦不甚悖否

南溪曰栗谷雖云使輕服者行薦註中已有墨衰之文而况朱子已自行之若無服輕者恐不可曰朔望忌祀喪人一切不得參也如先墓展拜之禮尤輕於參祭宜無不可行者

答沈壽亮

又曰禴祭與時祭意義一體居喪時亦恐行不得

答金

成克

葬前廢先祭當否

問門中出重喪而未過半月行先墓掃事不爲未安

否伯考之墓

喪是伯考之子婦喪

如或未安而不行則如高祖

之墓及他山旁墓何以爲之

李

寒岡曰未葬前固不

合上墓矣但非吉祭之比一門之人何能皆廢墓事

乎若行事於旁墓則何可獨廢於伯氏之墓乎況祖

墓與高祖曾祖之墓乎喪出異鄉尤難全廢

旅軒曰父喪初喪之日雖忌祀不當行矣但母喪再

期則異於他忌不可全然無事當於其日略備祭羞

殺禮奠行喪主暫脫衰服喪冠只以喪巾裏衣就神

位前俯伏號哭而已若奠獻則令輕服子弟常服行之魚肉之羞隨宜用之不爲未安

答或人

愚伏曰未葬前廢祭禮有明文但忌日旣非吉祭且是喪餘之日似難虛過令子姪攝行似得

答金伯暉

尤庵曰禮同宮則雖臣妾必葬而後祭○朱子曰若百日内要祭或從伯叔兄弟之類可以行問未葬不當祭或遇先忌不知當祭否朱子曰忌者喪之餘似無嫌然正寢已設几筵卽無祭處暫停也據此有祭處則便可行忌今令姪喪次與祠堂異處則莫或無嫌否○朱子曰喪三年不祭然亦宜當令宗人攝祭

但無明文不可考耳○先生以子喪不舉盛祭就影

堂致薦用深衣幅巾薦畢哭奠子則至痛然此未見

必是葬前如此

答閔鼎重

又曰葬前雖小祭禮當一切皆廢也

答李顯稷

同春日喪家葬前凡祭皆停無疑先世輪回之祭則

或與他家換行耶

答李懔

問從弟與無子宗婦同居而攝祭宗婦卽其出繼兄

嫂也從弟今亡而祖考妣節祀及忌祀在其未葬前

考備要則既有期大功略行之說又有同宮廢祭之

文云云

李時亨

南溪曰示兩說固不相合此則重在同

宮非可以服制論也既曰雖臣妾之喪必葬而後祭然則宗婦有難從這中辦祭物以行亦難自旁孫代行禮意如是不行恐當

陶庵曰取長房沒後所奉祧主忌日如在其未葬之前則雖一獻亦恐未安故只當廢祭雖安於別廟當以同宮論也

答金樂道

過期不葬者祭先之限

問大宗喪貧不得葬且既出殯則與殯在家有間葬期過後略行忌墓祭如何

金得洙

尤庵曰當以百日爲

斷

又曰百日之說蓋士大夫以三月而葬故槩爲此限以爲差進差退之地耶曾聞遭從兄喪欲待其葬後而行昏禮者其葬不易則當以百日爲斷云恐可通行於祭禮也

答閔鼎重

葬後卒哭前忌墓祭當否

南溪曰曾子問云天子崩未殯五祀之祭不行既殯而祭自啓至于反哭五祀之祭不行已葬而祭又竇文卿問妻喪未葬遇先忌不知當祭否朱子曰忌者喪之餘祭似無嫌云云今此忌祭雖非五祀外神之比而其在葬後卒哭前者又似與未葬小間以無嫌

之義倣已葬之祭殺禮而行之恐是人情所不能已

也

答閔業

尤庵曰栗谷卒哭後墓祭忌祭之說是所謂恰好處置然若據古經葬而後祭之說則三虞之後亦可言葬後從殺行之恐不爲無說也至於新墓之祭則尤

無所疑也

答靜觀齋

同春曰卒哭前如值節祀新墳旣從俗設祭則於先墓都無事恐甚缺然依栗老所教而行之無乃爲穩

耶

答靜觀齋

遂庵曰卒哭前雖是新喪墓祭不可行

答安太爽

問三虞日卽端陽節亦當并行墓祭耶云云閔百陶
庵曰卒哭未畢便是葬前墓祭宜不得行先墓家廟
茶禮恐當闕之

喪中行祭服色

退溪曰三年內家廟祭愚意有子弟者令子弟行之
上也無而自行者其服色前日謬論玉色固不可其
所謂白衣卽河西所謂白布衣似若差可所難者冠
亦白布尤爲乖異如何愚今又思得一說與其創新
而用白布冠衣孰若倣家禮所稱墨衰之服其制如
今直領樣冠亦用墨一如侍者冠服而行事卽去蔽

之以待後祭其出入等時勿用中原例服之以取俗

駭此意如何

○答禹性傳下同

又曰墨衰之制未詳然似不過冠頭巾而帶亦墨耳
問前論墨衰更思之上衣下裳一如正服之制而但
墨其色冠與巾亦必用墨爲之而只去腰首經如何
禹性傳退溪曰墨衰旣曰衰矣似當如來示然未有考
據不敢索言

栗谷曰朱子喪中以墨衰薦于廟今人以俗制喪服

當墨衰云云

較手蒙要訣詳見摠論

龜峰曰喪服中行祭一條卒哭後以生布巾與衣薦

于神主者大違禮制生布巾衣極凶之製也時祭極重之吉禮以凶接吉古無其禮何況今之生布巾甚無謂又無制度既脫屈冠而只着是巾則是免冠而拜先祖會合之盛禮也安有是理朱子以墨衰行禮者是不忍純凶而接神明也古人之服中行祭事其例非一如朱子之使輕服者入廟行禮及橫渠之遭期喪三廢時祀而使竹監弟代行之以竹監在官無持服之專故也先賢處置甚有曲折伏惟深思刪定勿容易幸甚

答栗谷

問大祥前一日告遷于祠堂家禮及儀節皆不言服

色

一權泰

寒岡曰李先生答禹景善之言固然而鄙人

亦嘗稟居喪入廟之服當用黑草笠白布衣白帶何如云而先生不以爲不可

同春問栗谷以爲忌祭墓祭及四時節祀皆以生布直領孝巾絞帶躬自行之云云愚伏曰依栗谷所行之不妨但所謂絞帶者若是成服時絞帶則非徒以此入廟未安儀禮卒哭受服斬衰絞帶變麻服布緣何旣葬後有絞帶耶今俗多不行卒哭受服之節無乃栗谷亦只從俗耶

又問更考擊蒙要訣果無絞帶之語而亦不言當着

某帶近世不行卒哭受服之禮則不可以成服時絞帶入廟當用何帶耶沙溪曰絞帶入廟果爲未安別具布帶似或無妨

又問葬後廟祀用直領孝巾似未安家禮墨衰可復於今耶沙溪曰當用布直領孝巾行祀此外無他可服墨衰是晉襄公伐秦之服而朱子時因爲俗制本非古禮不過如今俗所謂深衣而已頃者禹公性傳問於退溪欲復之恐不穩當

問墨衰云云

洪友周

尤庵曰李先生說有難曉者其曰

衣則直領云則似但如時俗喪人所着者其下又曰

冠亦墨帶亦墨則似於直領亦着以墨然未知適從
墨衰之制出於魯公征伐時以文義觀之則似於衰
服着以從戎也然至於朱門則有墨衰不合禮經之
文未知朱門所謂墨衰者與魯之制同異何如則今
欲復古如來諭之云者未知如何而可也

尤庵曰龜峰服色之說要訣終不從焉栗老之意可
知也墨衰之制諸老先生難於復古終以俗制直領
者當之恐或無妨

答南溪

南溪曰宋時墨衰與今俗制喪服雖俱非古禮然墨
衰則朱子行之最爲有據今以問解所教之意淡黑

其色而布升亦用稍麤者實有借吉之義而又合朱

子所據

答尤庵

又曰愚意黃草笠白布直領淡黑布帶似可蓋黃笠本與黑笠同爲心喪之服而今人或無事平着者又有未盡變吉之義白布黑帶固爲要訣服中行祀之儀也

答朴泰輔

問廟祀不言方笠

成爾鴻

遂庵曰方笠是我東風俗非

禮文所載只着孝巾可也

陶庵曰喪中入廟服栗谷以俗制喪服當之俗制喪服卽孝巾直領而龜峰難之以免冠拜先祖今以平

凉子別制布帶直領入廟似宜

四禮
便覽

喪中行忌祭諸節

問亡者親忌適在卒哭之日云云

柳乘

陶庵曰云云

詳見

祭變禮兩祭相值條中先
忌與卒祔祥禫相值條

退溪曰服中不得已叅忌祭當用白衣但冠用麻巾

未安用白巾尤異不若使子弟行之為宜

答金就礪

問三年內祭祀朱子三說云云

宋奎濂

尤庵曰云云

詳見

摠論

同春問三年內祖先忌祭當遵要訣行一獻則亦不

侑食否沙溪曰侑食亦盛祭時禮也只獻一杯則無

侑食也

尤庵曰三年內祖先忌祭只一獻則既獻之後似當仍行侑食之節矣然亦須依時祭終獻一食九飯之頃而進茶則似不爲無據矣

答李
漳

南溪曰問解所謂忌祭一獻云者原於要訣只云饌品減於常時無不設食之文恐亞終兩獻及讀祝告利成之外並如常祭矣

答李
時春

又曰侑食者謂不如常時三獻之後別設一節而爲侑食云爾謂當於初獻時并扱匙正筯而無再拜等事也

陶庵曰一獻則無侑食闔門諸節世俗多行之者謬

也

答吳瑋

南溪曰若有服輕者行禮則喪人恐辭神後叅拜爲

勝

答朴弼明

陶庵曰凶服入廟終恐非禮朔望叅與忌祭令服輕者代行而忌日則喪人望哭於門外又或臨罷入而

展拜爲當

答李濟厚

問先妣喪餘在先考祥前二日若用喪中祭先之禮則祝奠等事皆當減殺而第念昨年練祥等祭皆從備禮今忽減殺事或徑庭否

金敏材

陶庵曰今年祭祀

卽三年後初忌與昨年練祥體貌自不同但依喪中行祀之例而無別般道理

喪中文廟從享位忌祭略設當否

問三年內忌祭似不可舉殷奠而至於先祖位

闡則隱

事體自別三百六十州春秋釋菜皆舉耨儀盛禮則

獨於此宗孫玄遠之喪似不宜略設單獻之祭

鄭鐸陶

庵曰不祧之位雖於京外釋菜盡享縉禮至於家廟

則其備禮與略設惟一視宗子有故無故而處之公

私事體本自不同矣

喪中行叅禮諸節

晨謁并論○朔望日祠堂叅禮後行事凡筵見葬後

府志卷之四

諸節
條

南溪曰朔望叅視忌墓祭為輕喪人雖以俗制喪服

入廟行叅不至有妨

答朴
弼明

又曰如有服輕者使之行叅而喪人輩叅後別行拜

禮如哀說恐勝

答李
泰壽

問晨謁三年之內姑闕之耶或以俗制喪服依前為

之耶

朴弼
明

南溪曰當姑闕

喪中有事告先廟

南溪曰未葬前如有移安之舉云云

答或人○詳見
祭禮有事告條

中告移

還安條

問立後一款亦為告廟云云

元夢翼

南溪曰云云

詳見喪變

禮追喪條中立後告廟之節條

喪中有事告几筵

見葬後諸節條

三年內几筵時祭行否

同上

三年內新山墓祭

寒岡曰家禮雖未有三年內墓祭之文亦未有三年內不墓祭之語孝子於體魄所托雖三年之後而尚不堪雨露霜露之感況三年之內墳土未乾之時乎時月古人令用三月上旬十月初一今之四名日之祭非禮也祭饌之備拜獻之節亦自有家禮明文但

三年之內祭必有哭况於此寒暑之變乎

答李善立

問李養中以爲正朝秋夕乃朔望也朔望殷奠也虛几筵而往奠墓側不可云曾見南中人前期三四日行事於墓側此與朱子所云鄉里所爲者相似

禹性傳

退溪曰三年內并節祀皆歸几筵則體魄所在一無所事是謂神不在於彼也直待喪畢然後始行於彼則無乃有求神於所無之嫌乎李君養中所謂正朝秋夕朔望之礙亦思得良是或此二節依南中所爲而寒端二節用當日行於墓或正秋仍只行於几筵而餘二節行於墓恐皆無不可也

問退溪云云然則正秋二節只奠于几筵寒端二節

几筵墓所並行之否

崔碩儒

慎獨齋曰四節當祭兩所

問三年內不行墓祭者蓋重魂反室堂之義而高氏

云父母體魄所葬之地不可無一祭也起義而有安

墓祭於卒哭後好禮之家或行或不行

金澤

尤庵曰三

年之內國俗多行墓祭矣然與高氏所謂安墓祭者

皆非禮經之文此等雖行之不害於從厚之道而亦

不爲全無所據矣

又曰三年內旣無祭新墓之文則又豈別有祝文也

不得已用常時祝文恐亦無所碍也

答宋奎瀛

禮義類纂

松江問三年內四名日墓祭欲一獻如何龜峰曰來教似當

松江曰三年內墓祀叔獻及礪城皆以單獻爲是墓

祀指新喪

松江問三年內墓祭洒掃前後兩再拜似是平時禮今日在墓側每日洒掃則此一節略之如何只當俯伏否龜峰曰洒掃及再拜固宜略之但先俯伏一哭以行叅神禮又奠而一哭又辭神時一哭凡拜哭倣几筵禮如何三年之內似不可用事神禮故也問几筵殷奠宜無叅降之節至於墓祭當有叅降三

獻

閔采萬

南溪曰几筵墓山所處雖異而義則一恐不

必行叅降三獻祝辭諸節當并與常式無異矣

陶庵曰愚嘗謂三年內新山墓祭之用三獻爲過重
盖三年內惟虞卒哭大小祥爲備禮之大祭墓祀則
本來體輕宜不得比侔於虞卒諸祭苟以墓祭爲可
備禮必自別有祝而從古無之爲三獻者似用墓祭
常時之祝而常時所用用於喪中豈不泛然乎且先
世則俱殺禮一獻而此獨備禮亦涉未安故愚於丁
憂時以一獻行之

○答閔遇洙下同

又曰墓祭與几筵不同安可無降神辭神等節耶只

當如先墓殺禮之儀也

問大祥後禫祭前有墓祭則當哭拜耶

金光五

遂庵曰

然

葬同先塋三年內墓祭

尤庵曰三年內墓祭略設既有先正定說先位以同在一岡者而與新位同設殷祭未知如何若以豐約之殊爲嫌則毋寧於新墓省從先位之祭品耶

答朴世振

遂庵曰新山雖在先山同麓喪中獨行三獻於新山而先山則只以單獻蓋喪中家廟忌祭亦用單獻與

此宜無異同矣

答成爾鴻

問親喪葬於先塋側而喪中又遭宗子婦喪則宗子
葬前廢先墓祭祀固然也廢祭于先墓而獨祭亡親
於先墓之側乎沈南溪曰朝夕上食乃不可廢之節
子喪成服之前猶且廢之況於節祀乎葬同先塋者
恐雖三年之內不當獨祭也

同春曰墓祭事新墓則喪人自當以喪服親行其他
諸墓則使族人行之而只一獻不讀祝可矣答鄭道應

合葬三年內墓祭吉祭前行
祀并論

牛溪曰先喪父後喪母上塚之祭不可以母服行之
嘗見執禮者以白巾白衣帶奉祭哭拜未知如何也

答禹

見吉

愚伏曰家禮墓祭有哀省之文先喪舉哀恐無所妨

答吳敬甫

慎獨齋曰所重在父以喪服行墓祭何妨若父先亡

母從葬而在母服中則以布巾深衣行祀似無妨

答鄭

尤庵曰考妣同墓者例於三年內從喪祭之儀雖考

先葬而妣新祔不可不哭而行之况妣先考後則宜

有統尊及卑之意耳

答朴世振

問或云合葬之墓先齊後斬則著衰服行事先斬後

齊則着直領方笠以存壓屈之意

宋奎瀛

尤庵曰三年

內墓祀是合葬之墓其服色亦當以尊者爲主奠獻時哭臨一節亦然然南軒尋常上墓時必哭况母喪因祭而并哭於考位亦何妨鄭松江亦如南軒矣

又曰合葬之後雖壓於舊墓難可脫衰而行之

答崔有華

南溪曰喪中墓祭之儀頗艱陋世俗則共卓而哭行之不疑嶺南則以舊墓爲重喪人不敢叅祭頃年李壽翁問此生答以當用孝巾深衣先行單獻祭於考之舊位待其卒事又用衰服次行三獻哭祭於新位蓋雖合墓而分西東兩邊視若各位可也與遷葬時

各設几筵何異如此然後義正而禮得矣

○答朴泰昌
又答李

時春日合葬祭饌非如神板猶有請
出單祭之時恐難分別矣服色亦同

陶庵曰三年內異几明有禮文神主未合位之前墓
所并祭甚未安凡合葬之墓須各行而並有喪則先
重後輕而各服其服哭而行事若父先亡母喪三年
內則以平涼子直領不哭而先祭父改以衰服哭而
祭母若母先亡父喪三年內則祭父畢脫經不哭而
行母祀似爲合宜

四禮
便覽

遂庵曰吉祭之前猶未配合祭誠爲未安而合葬之
墓事勢不得不并設然并祭各設床卓自是古禮雖

墓前依此各設則前喪行一獻之禮後喪行三獻之

禮似不相妨

答韓弘祚

新喪葬前前喪墓祭當否

見喪變禮并有喪條

喪中祭土神

慎獨齋曰節祀告土神依朱子祀家廟之說用墨衰

亦似無妨無執事讀祝之人則使弟讀之無妨如有

親友則亦可讀之

答崔慎

允庵曰土神是外祀也喪人行之似未安

答吳益升

又曰山神無他代行者則當以祭於先祖之服色王

人自行之矣

答朴世振

又曰雖三年之內祭外神之禮則似當如常儀矣然亦未敢質言

答李
漳

遂庵曰要訣雖有不祭土神之文既行墓祭於一局之內則土地之奠似當行於先墓之左矣

答崔
安厚

禫前行祀之節

尤庵曰禫祭前自與大祥前一樣故家禮書疏猶稱孤哀疏上蓋猶是喪人也然則雖先祀何可自同平常乎只一獻不讀祝廢利成可也蓋雖禫後據古禮則猶不敢純吉吉祭以後始同平人矣是祥月行禫行禫之月是仲月則仍行吉祭也不然則必踰月然

後吉祭據此則禫祭後亦未得盡同平人矣自家禮以後必須既祥三月然後行禫禫而無吉祭與古禮自不同矣

答郭槽

吉祭前行祀之節

遂庵曰吉祭前合葬墓各設云云

詳見合葬三年內墓祭條

問問解曰父歿喪中嫡孫承重改題宜在喪畢後不敢殯其親之意也但祖喪畢後當遷之高祖於嫡孫爲六代祖矣亦不爲遞遷云云

盧以亨

陶庵曰吉祭當於父喪畢行之也遞遷一節當在吉祭之後而其間則以一獻行祀爲宜

喪中宗家輪行之祭

問家奉先世祭祀皆用單獻而輪行忌祀則異於家廟之祭單獻未安

李世龜

南溪曰禮喪從死者祭從生

者此則從本分所得而言耳若其宗家輪行之祭雖在服中恐不得不用三獻之例

宗子喪中祭祀

宗子親喪中祭祀并論

同春問宗子歿未葬前祖考忌祭墓祭喪家當廢而如有介子異居而欲行則亦不悖於禮否愚伏曰禮士總不祭所祭於歿者無服則祭以此推之則宗子之喪乃祖考之正統服未葬廢之似當

又問云云愚伏曰云云見沙溪曰愚伏答是

尤庵曰大宗墓祭宗子有親喪則喪三年不祭者雖是古禮而後世居喪之禮不如古人故朱子使於葬後行之若是葬前則使支子代行可也若然則凡百當殺於宗家不讀祝不祭山神亦有禮家明文矣答李

遇

尤庵問高曾二世神主宗子死後祧奉于家兄家矣今家兄至此祠堂之祭葬前當廢而其墓祭當如何自長淳兩官略設無妨耶葬事若在秋夕之前則無此疑時先生兩弟為長誠淳昌宰同春曰長淳略設恐好

又問家弟等略祭於高曾之墓來諭殊合情禮然則
於先親之墓亦一體行之否同春日宗子之喪事體
自別然原野之禮從略以行不至大段未安否不敢
質言

尤庵曰服中祭祀禮意雖如此而子孫之情則終有
所未安故昔年家兄之亡問墓祭於同春則答謂支
子略設無乃不至大害耶云故其時卒從其言雖或
非禮之正而於心則悅矣但所諭五代祖墳同在一
原云者豈以一歲一祭之祭而言耶若然則是擇日
之祭也退行爲當矣若以與近祖一原之故而並設

者則當從近祖而為廢不廢矣此則無可疑矣至於

歿者之子孫則似當體其孝心而暫廢之恐當

答閔鼎重

陶庵曰宗孫未葬之前禮當廢祭支孫代行雖墓祭

恐未安

答吳瑋下同

又曰一門內有喪禍在宗家則當廢祭在支子不當

廢則雖是同剛之墓一祭一否亦似無妨

答徐宗華

長子喪中祭祀

衆子喪中祭祀并論

慎獨齋曰朱子在長子塋喪不舉盛祭就影堂內致

薦用深衣幅巾薦畢反喪服墨衰之制不行於今我

國以布巾布深衣代用之若子喪則依朱子所行不

代以墨衰行祀也

答問後纂

尤庵曰斬衰入廟未有聞然以常祀家廟之文見之

亦無妨耶但借布笠布帶亦何妨出入時恐不免此

也則此獨不必大拘也

答同春○時同春遭長子喪

陶庵曰衆子之喪未葬前若異宮則當行祀而主祭

者於其喪爲期大功則一獻無祝小功以下如常儀

答吳瑋

本生親喪中行所後家祭祀之節

見爲人後者本生親

喪諸節條

妾子承重者其母葬前行祭當否

見妾子本生親喪諸

節條

祖父母喪中葬後祭祀

陶庵曰服替者葬後祭如平時此栗翁定論然祖父
母衰服之重非比他替揆以死生情禮恐亦未可以
祭如平時之文一例斷之也愚意則葬後忌祭三獻
朔望節日亦如儀忌日是喪餘之祭雖以三年之喪練祥行三獻之義推之恐無不可
況左右既於葬前行一獻朱子於其夫人與長子之喪三年內時祭則三年未畢之前姑
勿行之禰亦同不舉時祭此是具三年之體者比左
右今服固為較重然亦墓祭三年內一獻不妨此則
可傍照而得其禮意否原野
之禮古人所重在廟廟中既廢正祭則
不必於此獨為備儀也○答閔昌洙

父母喪中子女忌墓祭

同春問有子女先父母歿及父母喪未葬前其忌墓祭皆可廢耶葬後則當以素饌行祭耶抑死生有異用肉無妨否愚伏曰未葬廢之無疑葬後則祭用肉似當又墓祭忌祭當廢之意既聞命矣但既嫁之女歿而與其君子同壙則外孫必不以外祖之喪而并廢其父之祭既祭其父則同壙之原豈可不祭於其母以總不祭之意推之則於外祖喪當并廢其父之祭而但總不祭者乃指吉祭而言則墓祭忌祭似不當廢如何曰所示得之

又問云云愚伏答云云見沙溪曰愚伏答是鄙見亦

然
陶庵曰亡妻之祭行於妻父母未葬之前以情揆之

似若未安而既是神道禮意則不必然答吳瑋

期以下服中大小常祀服色并論○與祭變禮臨祭遇喪條參看

栗谷曰期大功則葬後當祭如平時但不受昨未葬前時

祭可廢忌祭墓祭略行如上儀總小功則成服前廢

祭五服未成服前雖忌祭亦不可行也成服後則當祭如平時但不受昨服

中時祀當以玄冠素服黑帶行之擊蒙要訣○按上儀節饌品減於常

時只一獻不讀祝見上總論條

松江問亡兄卒哭後晦前家廟時祭無丁亥可祭日
奈何一獻不讀祝乎用何服色龜峰曰示雖無丁亥
既當行祭則倣卜日之至下旬不卜之意告定可行
之日而行之恐無害也朱子欲喪內於卒哭後用墨
衰祀廟又於子喪不舉盛祭用深衣幅巾致薦并此
意叅用如何

沙溪曰按今妻喪几筵在正寢則依栗谷說忌祭隨
便行于廳事亦或不妨

喪禮
備要

尤庵曰古禮所謂祭者指四時正祭也若是重服則
雖非正統亦何可行之忌祭則只得依朱子說行之

恐是無疑底道理

答閔鼎重

南溪曰宗家祭祀何可以支子異居之家喪不行耶

若於宗子非期服則量而行之爲當

答金洪福○又曰惟主人服期

則畧行如要訣

寒岡問述嘗總不祭盖齋則忘哀哀則未齋所以廢祭退溪曰服有重有輕祭有備有簡總而廢祭古恐未然

慎獨齋曰外喪輕服是私已之服不可以私服入廟若本族重喪葬前當廢祭而叅謁則權着黑帶似可

答韓聖臣

同春問菴大功未葬前忌祭墓祭同居者廢而異居者行否時祭則異居者亦於葬後當行否總小功成服前則忌祭亦可廢而成服後則時祭亦可行耶愚伏曰禮大夫之祭鼎俎既陳籩豆既設而有齊衰大功之喪則廢外喪則行外喪即異居者也可考曾子問篇而參酌行之則庶乎得之矣

又問云云愚伏答云云

見上

沙溪曰昔年考曾子問則

擊蒙要訣服中祭祀之儀與之相合以此行之無妨又問擊蒙要訣謂總小功成服後則當祭如平時云此與總不祭之文不合愚伏曰雖與古禮不相應亦

斟酌得好可遵行也

又問云云愚伏曰云云

見上

沙溪曰愚伏答是

南溪曰期服未葬前初無朔望叅不行之文

答洪重楷

尤庵曰總小功成服之日既已叅錯於喪殯之間則

歸行朔叅於祠堂有違前一日齊宿之禮使人代之

可也所謂成服後必不指是日而言也

答李漳

遂庵曰成服後則雖其日可祭

答成爾鴻

問功總之戚成服日若有大小祭祀則皆當行之耶

吳瑋

陶庵曰若在喪次則雖成服後其日則當使人代

之蓋未及齊宿而然也至於在他所成服則成服後

躬行無妨

如忌祭則勢或凌遽而成服之行於朝哭禮也晨早成服而後行祭亦可

尤庵曰以外黨妻黨之喪素服入廟似爲未安恐當

變着吉服而未敢質言

答金相玉

又曰爲師心喪而廢祭曾未聞也

答朴是曾

歿者有服無服行祭廢祭之說

尤庵曰於歿者無服則祭云者雖於考有服而於祖

以上無服猶不行時祭况於高祖有服而敢行於以

下乎似甚無謂矣

答朴世輝

又曰尊位有故不祭則卑者從而不得祭云云

答南溪○

詳見祭禮時祭條中小宗家行時祭之節條

又曰考妣私服雖無與於祖考以上然既以此服不得祭於考妣則何可獨祭於祖以上耶

答朴世振

同春曰云云朴氏家喪在君雖是總服而以所祭言之實是重服叅以平昔友愛之至情葬前時祭廢之

恐當

答鄭道應

南溪曰曾子問大夫之祭鼎俎既陳籩豆既設外喪自齊衰以下行可也又曰所祭於死者無服則祭今承下詢之禮雖非本文鼎俎既陳之比亦已卜得月季而告之廟矣况於廟中尊位無不祭之義而特以亡婦一位私服之故因廢正祭實涉不虔愚意以尊

位爲主而通行之似無大妨蓋所祭於死者無服之說旣見古禮揆以事亡如在之義誠亦有未安者第以今禮詳之卒哭之後固以神道事之以至三年入廟其禮尤嚴如退溪所論祖先忌日祭子孫用肉之類是也況在一室之中而獨異其祭曾所未聞則區區之見不得不出於此

答李羽成

又曰所祭於死者無服則祭云者本指祭者外親而言非可以此反摺轉來以爲凡於死者有服則不祭也蓋本親則已在外喪齊衰以下行之之中各有降殺祭者與所祭者無不同矣張子嘗曰喪自齊衰以

下不可廢祭朱子亦曰古人總麻已廢祭祀恐今人行不得此又可見今禮與古禮異處

答李泰壽

喪中祭祀用肉當否

與喪變禮并有喪條中新喪葬前前喪上食用

素當否條參看

問妻母大祥前亡妻朝夕之奠既不用肉則遣奠不

可以用脯醢乎

李君顯

寒岡曰雖祥事未畢而服則已

除矣朝夕上食則雖不用肉祖奠遣奠則大禮也恐不得不用

同春問先考喪中祭先妣當用肉否沙溪曰神道有

異不妨用肉云云

詳見喪變禮并有喪條中新喪葬前上食用素當否條

問婦人亡後其私親繼亡先喪葬時當用肉以祭否

宋弼

陶庵曰云云無不可用肉之義

五服變除

親喪追服變除用聞訃成服兩日之辨

計日計月

計聞當否并論○見喪變禮追喪條

親喪追服與在家兄弟先後變除之節

嫡子未除

服前諸子已受吉者常居之服并論○上同

立後追服之節

變除并論○上同

并有喪前喪祥日變除之節

見喪變禮并有喪條

過期不葬者練祥禫變除之節

初期再期日單獻并論○

見喪變禮過期之禮條

成服有故遲退者變除

同春曰此人雖不幸成服遲退而實非聞喪後時之比變除之節恐宜只從死日

答或人

期功諸服變除月數

寒岡曰大功以下當以月數喪或在晦時成服於閏初則恐當以成服計月當盡其月數以後月朔日釋

服

答崔季昇

龜峰曰大功以下遭服於月晦者欲從成服月為計云情雖未闕而義有不可期以上既以死月為計獨

於期以下恩殺處反以成服爲計爲未穩而又非喪禮有進無退之義恐不可引以長之日數雖少宜以

歿月爲準

答牛溪

沙溪曰期以上旣皆以歿月爲計獨於大功以下成服爲計恐無義意當以歿月爲準

答李惟泰

南溪曰除服月數從歿月爲計問解之論也今更詳之鄭氏旣曰以月數者數閏以年數者不數閏今小祥大祥必以死月行祭則期以上自當用年數之制至於大功以下月數者自當以成服之月數之且鄭氏嘗論稅服以爲五月之內當追服王肅以爲當服

其殘月賀循庾蔚之皆主鄭說若從問解之論則是與服其殘月無異也以此推之自非晦日成服者當以次月數之

答崔是翁

遂庵曰大功以下雖遭服於月晦豈可待月中除服耶然則念後遭服者不可不待旬間除服烏在其以月數之義也

答蔡徵休

問除服月數從歿月爲計問解所言指喪出月晦成服在次月之初者也若聞訃差晚而成服在次月則亦以歿月計之耶

朴聖源

陶庵曰所釋問解之意得之

聞訃晚而成服於次月者當以成服日計之

問大功以下既以月數則似當計閏

姜頤期

沙溪曰鄭

玄及射慈說分明

通典鄭玄云以月數者數閏以年數者雖有閏不數之○射慈云三年周喪歲數沒閏九月以下數閏

陶庵曰喪出月晦而成服於次月者大功以下除服月數以歿月計不以成服計已有沙溪正論南溪雖據鄭氏以月數之說以難之然要當以歿月為準

禮四

重喪中期服變除之節

問斬衰在身若以除輕服而遽脫父之重服着白布衣笠黑網巾則便同平人不但駭俗亦所不敢問解父喪既顙之後當妻之二祥以布衣孝巾將事此亦可見重喪不可輕變之義云云姜櫟南溪曰白布笠白布網巾白布衣只借白色衣冠以示前喪有終之義恐無不可者但三件制度皆是常着之物則欲以問解所論布衣孝巾行之者實出於哀侍折衷詳審之意也然白衣冠行祥實因士夫間通行之禮亦冀更加博詢知其決不可然後量行新禮方甚周備矣

親喪中期服追除當否

問伯母小祥只隔數日遭先考喪據禮不敢行事於
葬前若擇日追行則孤哀除服之節當何如李時南
溪曰哀侍除服之節有難追遂者既過小祥之月而
更欲追除則是以期服而引之也如嫡子聞訃者必
爲退行正祭而其餘服人並於初期日除服乃是通
例鄙意與此無少異同第其次月哭除之節終有所
不得自致則是又過時不祭之類耳如何

朔日叅禮與除服先後

問除服時若依問解所載忌祭朔望相值條龜峰先
祭始祖之義之論而言之則當先行叅禮次行除服

之節耶

宋炳文

尤庵曰叅禮與除服先後此無可據明

文所引龜峰說雖似可證然彼以叅禮與忌祭相較皆是祭祀故其說盖如此今此除服非祭祀則寧有先後之嫌乎然則除服後以盛服行叅禮恐無不可但家禮將叅而有齊宿之文既齋宿則除服之哭似覺相妨以此爲嫌則先叅而後除反爲得宜耶

服期者十一月練祭無變除

問女子及諸孫之服期者禮當除之於練日而但行練於十一月則彼服期之人無變禮否

閔維重

同春曰

十一月之練只是夫爲妻及父在爲母欲具三年之

體例也他餘期服自不當變

期功變除後服色

服盡後參祭哭并論

牛溪曰期喪除服亦盡其月不服華盛矣

答韓瑩中

同春問服期者於小祥除服後即着吉服耶沙溪曰祭後易以素服如忌日服色待後日始吉服可也

又問有人遭祖父母喪終期年食素居外一如喪人主於服闋亦曰父有重喪子何敢純吉用白帶素服而不與宴樂此意甚善愚伏曰此正聖人所謂獻子加於人一等者可敬白帶素服亦得縞冠玄武之義然帶用黑色似爲得中

又問云云愚伏答云云見沙溪曰愚伏說是

問祖父母喪期後着吉服不安尹案尤庵曰不可服華

盛曾見知禮者用麤綿麤布黑漆而爲帶此恐爲得

宜

問降服者脫服後以白衣黑帶不與宴樂以終其餘

日如何

李之老

南溪曰降服自處之節禮雖不言略如

示意深恐得宜

尤庵曰練後姪孫於朝夕上食哭不哭之疑此無明文不敢質言然以逮事祖忌日之儀推之則恐不可不哭姪則異於直統然亦當以祥禫與者皆哭之文

推之否

答尹拯

又曰親戚服盡後哭與不哭恐不可以一例斷定然
禮曰朋友之墓宿草不哭是未宿草之前雖朋友亦
當哭也况小祥條已除服者來與皆哭盡哀祥禫亦
然據此則朔望與祭時雖無服亦當哭也

答南溪

問妻父母三年內叅朔奠世或有不哭者

宋炳夏

尤庵

曰女甥之於妻父母服雖甚輕而情義輕重各自不
同其重者於朔奠來叅則舉哀恐不可已也

寡居婦人脫服後服色

閨庵曰寡居婦人於大祥則脫衰而着白衣裳至於

黑帽黑紵則不於大祥而當於禫日矣

答問
遇洙

禮疑類輯卷之十三

禮疑類輯卷之十三

禮疑類輯卷之十四

喪禮

父在母喪諸節

父在為母服

見五服條中為本宗服條

父在母喪杖即位當否

問禮曰為長子杖則其子不以杖即位又曰庶子不以杖即位避嫡子也然則父在為母杖者亦不以杖即位乎立以規尤庵曰以已上二款揆之則為母杖者亦當避父而未見明文不敢質言

父在母喪練

出繼追服練祥并論

問父在母喪至十一月而練子則既練其服而姪孫
仍其衰經何其重者輕而輕者反重耶姜碩沙溪曰
三年之喪特爲父而屈祥禫之制布升之數自與期
服迥別詎以練變之節而還有反輕之疑乎

又曰父在爲母雖十五日而畢喪然實具三年之體
故十一月而練者實當期年之數也不可謂以月計
者而筮閏也答同

南溪曰練祭主人雖不在家然祭不可廢似當用攝
行之禮卽所謂使其代告者也答李彥純

問出繼族父者遭所後母喪其練祥當以公文到日

計日定行而凡父在母喪其練祥其父皆已至行云
云成遠遂庵曰練祥其父已行子何可再行計其日
數設虛位哭而除之通行之例也

父在母喪祥服

與大祥冠服條參看

治谷曰期之喪杖而行練祥禫者惟父在爲母爲妻
二者而已其服制旣同而其練祥禫也父皆主之則
節文之間子何敢不同於其父也宋因唐制子爲母
終三年而程張二夫子尚欲墨其衰於周朞之後則
我國之遵古制除衰矣而反白其冠以自異於其父
而以見於其父乎且夫爲妻爲祥爲禫則其旣祥之

冠必與子同云云愚意依舊用草笠或黹笠無所不可

父在母喪祥後饋奠當否

問橫渠先生曰父在母服三年之喪則家有一尊有所嫌也處今之宜但可服齊衰一年外可以墨衰從事可以合古之禮全今之制朱子曰卒哭卽祔更立木主於靈座朝夕奠就之三年除之退溪先生曰父在爲母除服者朝夕祭時用玉色團領或以爲未安欲着白布衣云云安之泰寒岡曰盧履冰云云以此觀之父在母喪而除之後決不得仍存几筵矣但三先

生之言既如彼則據禮卽撤朝夕祭者孝子之心恐有所不能已者古之君子或有設遺像終身上食者况父在而母之神主別置一處古有其言則子於心喪之內几筵則雖撤而就別處仍略上朝夕之食或近於合古禮全今制庶無慊於孝子從厚之情

按盧履冰

說見下

問父在母喪十三月大祥後或有不撤几筵至三年仍行上食云云

姜碩期

沙溪曰據朱子說非不以盧履

冰議爲善但不敢違時王之制耳家禮不著父在爲母期亦此意也今國制改用古制則正朱子之所

欲從復何所疑今俗或祥後不撤几筵固非矣或有仍服三年者亦或有出後子爲本生親服三年者尤可駭此皆禮經之罪人孝子至情寧有窮已先王制禮不敢過耳

儀禮喪服父在爲母期傳曰何以期也至尊在不
敢伸其私尊也○盧履冰曰禮父在爲母一周除
靈三年心喪又曰祖父母安存子孫妻亡沒下房
筵几亦立再周甚無謂也○朱子曰盧履冰議是
但今條制如此不敢違耳按唐武后表請父在爲母終三年服宋朝因之
不改故云○又曰喪禮須當從儀禮爲正如父在爲母

期非是薄於母只爲尊在其父不可復尊在母○
國制父在爲母十一月而練十二月而祥十五日
而禫

又問退溪云用白布衣終三年云云沙溪曰祥後祔
廟禮有明文朝夕祭所服非所當議退溪恐或從俗
而言之耳

愚伏曰古禮則不然而但朱子答學者書曰今禮几
筵必三年而除只得依此

同春曰爲父降母實天地之常經禮義之大綱何可
以從俗之故而必欲終三年不撤饋食廢先王之正

禮違朱子之明訓使天地之常經禮義之大綱或有

所不得其正耶

答權

尤庵曰今人既據儀禮及國典父在爲母十一月

而練十二月而祥十五日而禫則是已行三年之喪

矣豈有三年既畢而復行上食之理乎

答閔元重

南溪曰朱子之論統指卒哭後上食而言且宋朝時

王之制不論父之在否而服母三年則固無怪乎此

也退溪云云亦爲時俗所行而發然今國制爲父

在母喪杖期故沙溪諸先生欲據此以準儀禮之文

朱子之意者

朱子嘗以盧履冰杖期之說爲是

自是正禮蓋既十一

月而練十三月而祥十五月而禫則恐難再設饋食如他喪此非薄於母也尊在於父不得不爾今之盡三年上食者情也非禮也禮之所在情或不能相及唯在孝子擇而行之如何耳

答沈
倪

問父在爲母期喪後朔望殷奠

鄭

南溪曰既已徹几

筵入廟之後還奉廳事行朔望殷奠恐亦未安

陶庵曰今俗父在母喪者往往有祥禫後不撤几筵不哭而饋食者此則無識之甚者禮律至嚴安敢容從厚二字於其間耶

答張
性中

父在母喪禫

問父母在者為妻不禫則其子亦因此不禫乎玄以規

尤庵曰云云詳見妻喪諸節條○下同

陶庵曰云云答李載亨

祖喪中父在母喪禫見喪變禮并有喪條中父喪中妻喪練祥禫條

父在母喪除服後服色見心喪雜儀條中心喪服色條

父在母喪除服後受弔見心喪雜儀條中心喪中受弔條

父在母喪禫後書疏再期後禫日前自稱并論

問父在母喪者十五月禫後與人書札似不當稱疏

黃宗海沙溪曰自稱曰心喪人古有其文也

南溪曰為人後者與父在母喪雖同是心喪而輕重

自別然父在母喪小祥後持心喪者恐亦不可稱疏
盖以祥禫已盡所持者心喪耳爲人後者本是不杖
期小祥之前依俗例稱疏猶爲未安况於心喪後耶
答全

陶庵曰答狀中如祇奉几筵等語去之庵經下或祥
或禫隨其時而爲辭而已
答全 樂道

問父在母喪雖過再期而禫月之前似不可以常人
自處凡諸書札仍稱心制如何
吳益 升同春曰來示似
然

父在母喪禫後拜墓之節

南溪曰十五月過禫後心喪之人須請於嚴親往依墓下日日只行哭拜朔望則歸行祠堂叅禮庶幾得之雖與國俗廬墓及朱子所行事同而義異盖彼則盡蔽於三年之全體此則獨伸於祥禫之餘哀誠以禫後新主入廟孝子情無依泊之處而先賢亦有三年後上墓行哭者故耳

答俞
楫

父在母喪再期行事之節

南溪曰云云

答閔澱○詳見父在母喪吉祭及復吉之節條

問父在母喪再期行事哭泣之節當一如祥事歟節目似有異於忌禮

吳益升

同春曰似當只依忌禮然三

獻辭神之哭恐情理禁不得

父在母喪喪畢當禫之月行事之節

問父在爲母心喪者至二十七月之期虛度亦似未

安

安應昌

旅軒曰就其月中或丁或亥以吉祭設行似

可

尤庵曰父在母喪喪畢之後當禫之月略行哭禮存

行禫之義可也

答金九鳴

陶庵曰尤庵略行哭禮之論雖委曲而設位亦恐未

安愚意則持心制以終禫月禫月旣盡來哭於墓前

除之似爲穩當

答金樂道

父在母喪吉祭及復吉之節

同春問父在母喪十五月禫後當行吉祭否沙溪曰
吉祭乃四時祭外之別祭蓋喪三年不祭故喪畢而
合祭於祖廟仍行遞遷之禮也若父在母喪則父爲
主以朱子答竇文卿書觀之雖妻喪廢家廟四時正
祭而以答范伯崇書觀之雖父母喪亦似不廢當更
詳之妻喪中家廟正祭如果不廢而妻喪又是祔位
無遞遷之禮則喪畢後吉祭似無義恐不當設

范兩說見喪中行祭條
總論中沙溪答同春說

朱子
答竇

慎獨齋曰旣曰心本非服也何變除之有若除於再

期則心制果除於再期乎禫月丁日猶之可也而終
不若待吉祭之期而復常無事於變除而自爲變除
之爲當也

答崔碩儒

陶庵曰沙溪答同春書云云尊家未必能於妻喪三
年內仍行時祭則喪畢後吉祭之設烏可已乎

問父在母喪旣行禫祭於十五日固不可再行於二
十七月則當於何日復吉耶禮有禫後踰月而行吉
祭復吉之制此亦倣而行之耶

姜碩期

沙溪曰來說得

之

尤庵曰心喪人云云古禮復寢聽樂必在踰月吉祭

之後則斷以二十七月者似甚未安來諭以次月朔日云者似當矣然禮記有近某日之文則吉祭不必在朔日也似當於是月上旬或丁或亥擇一日爲復常之節則用意宛轉似合古意

答同春

又曰復常之期當於吉祭月中或丁或亥或宜祭祀日略擬於心以爲此日當行吉祭以此爲節似不爲無所據矣望日叅後復常亦何不可也旣涉其月則或早或晚俱無所妨矣

答尹明遇

陶庵曰復常之說從尤庵說不害爲加於人一等之

義耳

答金樂道

南溪曰心喪本非如斬衰功總之服煞分節度似不
必有變除之節也且既從三年之文則當以二十七
月禫祭爲準矣第閔判書鼎重曾遭母喪以此質於
慎齋慎齋答云終不若待吉祭之期而復常無事於
變除而自爲變除之爲當盖雖父在母喪亦宜於二
十七月禫期後遇時祭之日倣吉祭行之故也此與問解
不行吉祭此說甚精然則再忌之無入哭及變服尤
條不相妨
可見也答閔

又曰慎齋所謂心本非服何變服之有者正得其義
又曰若除於再期則心制果盡於再期乎兩言極爲

精備况通典所謂哭除在於再期月晦云者亦已蹉
過只當於行時祭日不行心喪哭除而直服常服以
行祭是為得之雖非吉祭而原其事義則殆無不合
也

答趙師錫

出母嫁母喪諸節

為出母嫁母服

見五服條

出母嫁母改葬服有無

見喪變禮改葬條中改葬當服總之類條

養父母喪諸節

為養父母服

見五服條○為夫養父母服見五服條中妻為夫黨服條

養父母喪中服色

見五服條中為收養父母條

養父母題主

尤庵曰題主屬稱旣曰養妣則旁題只稱子不稱養似不相應矣且若是支子而奉祀于所生則將何以

別乎

答南溪

南溪曰題主益難爲說云云

答崔寬○詳見五服條中爲收養父母條

收養父母喪書疏式

退溪曰非繼後而爲收養父母服者所重在已之親不可稱孤哀也

答金就礪

南溪問書疏稱號若準服制則當用狀例第此服旣以父子之名齊衰之服爲定似與爲人後者不同姑

從問解所教稱於本生之號及稽顙等文何如尤庵
曰書疏稱喪人恐亦太重據朱子說則雖本生親亦
稱伯叔矣第伯叔無心喪而本生則有之此是與伯
叔不同處也然則所稱亦當稍異耶

又曰此等式例既不見於禮典則以服制爲準者猶
不爲無據而庶免汰哉之誚若於不重不輕之間只
稱喪人雖似穩便然後生行禮必當有所據而創制
儀式非盛德者不敢則今誰敢作爲此例以爲程度
也故前日所對只以本生伯叔之例爲說此於人情
雖似不安然常聞聖人言先王制禮行道之人皆不

忍也如取人心之皆安則將不勝其厚矣且於本生
既用此禮則於此亦無不可用之嫌而比之倣於父
在爲母之例此爲稍近矣

○答南溪下同

又曰問解中喪人之稱略考古今書未有見焉凡禮
家所定書式孤哀服人之外便無他稱則恐只當於
二者之間舍此則用彼而已

南溪曰書式當以服制爲之節度者殊未喻其意大
典養父母齊衰三年已之父母在及父歿長子則降
服期其齊衰三年則與爲母同其降服期則與父在
爲母杖期大同小異愚所以於疏式欲倣父在爲母

稱哀稱疏之例者實從齊衰三年服制而言也其降服不從杖期而從不杖極涉可疑然既已定著備要非後人所能輕改而又難直用其文故只就父在爲母之例不稱哀而稱喪人庶幾無所嫌碍矣大抵鄙意若不用大典養父母之制則已如用之以父母之名齊衰三年之服而自同服人可乎若元無問解稱喪人之義則已如有之以養父母之喪而不爲推行將行於何地也

答尤庵

養妣服中改葬養考之服

見喪變禮改葬服條

妻喪諸節

妻喪去冠當否見易服條中重服人去冠當否條

為妻服見五服為本宗服條中夫為妻條

妻喪遣奠祝

問永訣終天之語亦可用於妻喪乎李君顯寒岡曰云

云詳見遣奠諸節條

妻喪題主妹主并論

問妻亡無後及妹在室成人而死題主時屬稱旁題

金誠一退溪曰書亡室某封某氏而不書旁題亡欲代

以故字無封則稱鄉貫其於妹也亦然以右例書故妹云云

而無旁題旁題乃尊敬之禮不宜施於此等也

沙溪曰朱子稱亡室丘氏稱亡妻周元陽祭錄稱嬪

當依朱子所定

答姜碩期

尤庵曰亡室之書既有朱子之訓何敢違也退溪說似不敢從

答李選

妻喪虞卒哭主祭

見立喪主條中父在父為主條

妻喪虞卒祥禫諸祝

問夫為妻虞卒哭等祭祝文

李君顯

寒岡曰槨家曾於

虞卒哭祥禫等祭改祝辭曰日月不居奄及初虞風夜夜懷悲念不寧他祭皆倣此

妻喪練

未參練祭設位變除并論

同春問或云十一月服練之制乃父在爲母之禮夫
之爲妻不當爾也此說亦有據否沙溪曰或說誤禮
經諸說可考

雜記云期之喪十一月而練十三月而祥十五月
而禫鄭註云此謂父在爲母爲妻亦伸疏云爲
妻年月禫杖亦與母同

尤庵曰妻喪實具三年之體段故練杖祥禫四者只
是一串事今以不杖而不禫則獨行練祭恐是半上
而落下竊謂小記註說恐不得爲定論也然旣不得
攻破註說之明文則只得依此行之不至爲全無所

據也

答具時經

南溪曰夫爲妻亦是三年之制則練祭變除恐與孝

子無甚異

答李時春

遂庵曰夫爲妻服練則首經亦當去矣

答鄭必東

問爲妻十一月小祥擇日之禮沙溪曰家禮大小祥用初再忌祭故卜日一節無所施只於禫有卜日之儀而禫者吉祭故先命以上旬之日若夫爲妻小祥用十一月而祭則其祭日卜如禫儀而先命以下旬之日似宜

曲禮凡卜筮日旬之外曰遠某日旬之內曰近某

日喪事先遠日吉事先近日註今月下旬筮來月上旬是旬之外日也喪事謂葬與二祥是奪哀之義非孝子所欲但不獲已故先從遠日而起示不宜急微伸孝心也吉事謂祭祀冠昏之屬

又曰父在爲母與爲妻實具三年之體故十一月而練者正當期年之數也不可謂以月計而筮閏也

喪禮

備要

問先妣練祭家親係官遠道不能來叅家親有變除之節只可設靈位而行之乎亦當備奠具而行之乎

李弘淵

慎獨齋曰尊大人雖未叅練祭何可闕也尊大

示典類輯
人則設虛位而祭之几筵祝則尊大人使子某敢告
于云云可也

妻喪禫

沙溪曰按小記宗子母在爲妻禫則有非宗子其餘
適庶母在爲妻并不得杖也小記又云父在爲妻以
杖卽位鄭玄云庶子爲妻然父在爲妻猶有其杖則
父歿母存有杖可知此是杖有不禫者也小記又云
庶子在父之室則爲其母不禫若其不杖則喪服不
杖之條應有庶子爲母不杖之文今無其文則猶杖
可知也前文云三年而後葬者但有練祥而無禫是

有杖無禫此二條是杖而不禫賀循又云婦人尊微
不奪正服并厭其餘哀如賀循此論則母皆厭其適
適子庶子不得爲妻杖也故宗子妻尊母所不厭故
特明得禫也詳見通解續家禮輯覽

問禫祭下註父在則嫡子爲妻不杖不杖則不禫父
歿母存則杖且禫又曰非宗子而母在則杖而不禫
云宗子而母存者尚且禫焉則非宗子而母在者何
以不禫乎李尚賢同春曰宗子事體尊重故母雖在得
爲妻杖且禫也非宗子則有壓降之義耳

問父母在者爲妻不禫則其子亦因此而不禫否玄

規尤庵曰父在爲妻不杖期古有其禮矣然家禮不論父在與父亡而通爲杖期杖則禫矣今之行禮者若一遵家禮則無此疑矣

陶庵曰不論父在與否爲妻杖期者家禮之文也父在之適子爲妻不杖不禫者疏家之說也愚意欲從家禮也

答李載亨

父喪中妻喪練祥禫

見喪變禮并有喪條

妻母喪葬前妻喪練祭

問亡妻練祭在妻母葬前云云

李明煥

陶庵曰以生人

之情觀之似亦未安而於禮則未有所據凡祭一以

主祭者爲主今尊以服則總也以新喪言之則既殯也
以死者言之則又是葬後以神道事之者俱無不可
行之義

妻主別處之說

見祭禮班祔條

妻主入廟

尤庵曰考廟東壁下權祔云云

答宋衡弼○詳見祭禮班祔條中權祔條

同○下

問支子只奉遞遷之主妻喪祥後當祔新主於五代

祖母之龕否抑權安於東序乎

鄭

南溪曰云云

問亡妻神主權祔禰廟告辭云云

權

遂庵曰云云

問妻喪題主當以亡室而祔於宗家時以宗子改題

耶宋淵源

遂庵曰云云

詳見大祥祔廟條中

妻忌祝辭

見祭禮忌祭告祝之節條中諸親忌祝有無之辨條

長子喪諸節

為長子服

見五服為本宗服條中父為長子條

長子喪居處服食諸節

尤庵曰為長子斬衰之節既曰斬衰則當與父喪無

異然國法不許解官則居處飲食及其他百為亦

當有與父喪異者矣

答全瑜

又曰世人知禮者為長子服斬而出入時以麤生布

為衣而着布裹笠以絞麻為帶答玄規

問尤庵曰着布裹笠云云所謂布即指白布耶徐永後

陶庵曰布則是白布而今俗罕用

問父為長子三年者有杖云云梁處濟南溪曰云云詳見

治喪具成服之具條中杖條

長子喪中祭祀見喪中行祭條

殯喪諸節

為殯服見五服條

殯經不絞見治喪具成服之具條中首經要經條

殯喪雜儀自始死至埋主○計月不滿下殯者不立主并論

問備要引開元禮曰殯喪不復無舍夫程朱之論旣
曰當立神主則不復無舍恐未安耶且無贈耶李尚賢
同春曰喪成人者其文褥喪不成人者其文不緝卽
是儀禮傳文據此則喪殯之禮恐不必太備

問開元禮曰三殯之喪始死浴及大小歛與成人同
長殯有棺及大棺中殯下殯有棺靈筵祭奠進食葬
送哭泣之位與成人同其苞牲及明器長殯三分減
二唯不復魂無舍事辦而葬不立神主旣虞而除靈
座云此禮今世不用乎抑或有他禮可據者耶洪沙
溪曰凡殯不立神主程朱以前之事家禮自八歲皆

立神主矣朝夕奠上食虞後撤几筵則皆依開元禮而祔於祖廟似宜

又曰三殤之作主班祔已載於家禮今人自不行之耳寧不可行乎

答姜頤期

問禮六七歲兒不言有棺而雖二三歲兒藁埋掩之於情不忍

尹明相

南溪曰今無聖周之法數歲兒喪或以小木棺葬者似可推行

尤庵曰殤主粉面父爲主則當書曰亡子某神主云矣開元禮三殤不立神主旣虞而除靈座旣曰旣虞而除靈座則其無卒祔祭可知矣據家禮則當立神

主視開元禮則稍備無乃亦有卒哭與祔耶未可知

也

答宋奎濂

南溪曰殯喪古禮無此節目至開元禮而有葬虞之文至程子有立主之義今只當行其有據者而已卒哭祔祭似難率易而獨虞祭證以禮經既虞之說並行三次不至於甚未安矣○雖不敢直行祔祭殯主入廟恐當有告禮行事之節

答金壽增

又曰殯喪節目以開元禮大意觀之虞祭以前似與長者之喪略同然其間又有以中下二殯異於大殯者誠亦不無斟酌玄纁以上七條皆爲喪葬之備制

况嬰扇之必以大夫士玄纁之有君贈非如告先塋
遷柩及遣奠以下之不可全廢者似當并在減殺之

例矣

答農巖

尤庵曰未成人銘旌女子則書以某娘男子則書以

某秀才云則庶乎相稱矣

答或人

又曰在室女子銘旌世俗皆書某氏神主亦然然神
主粉面書仁子名則女子亦當書名矣第東俗甚諱

女子名恐難猝變

答玄以規

南溪曰未成之人自不無差等若年十五以上能知
文字有行業者恐當曰秀才某君之柩若十五歲以

示矣類轉之

下無文者或稱某貫某童子之柩亦可云雖非古禮恐義起而無甚害故也

答宋奎炳

又曰殤年女子之神主世俗書以處女某氏云捨此他無可稱者矣

答沈柳

陶庵曰題主則只書名不妨然恐莫知其為殤亡孫下添一童字如何禮記有童汪錡之文此為可據

秉常○下同

答李

又曰凡例既略如成人則嬰扇玄纁之減去用玄石說似可然若不欲全減則玄纁猶勝於嬰扇耶

問尤庵曰當立神主則視開元禮稍備無乃亦有卒

哭與祔耶云云

李秉常

陶庵曰尤庵無乃亦有之云蓋

有持難之意然殤主當入廟則入廟者恐不可無祔祭既有祔祭則又不可無卒哭

浦渚曰既虞而除靈座果似太簡祭之終三年亦似過或於除喪之後除之如何

答趙克善

慎獨齋曰殤喪撤靈座虞後則太遽似當有變通之制以待服盡而撤之似可

答崔碩儒

尤庵曰殤喪上食似當斷以闕元禮而但闕元禮殤儀太薄以家禮祭及兄弟之子之文觀之則葬後便祔恐不如開元禮之促也第無明文未知如何則可

也

答尹文舉

又曰長兒撤几筵據禮則當在於服盡之日或初期之日而其慈氏至情不欲遽撤於三年之內則亦不宜強拂當諭之以禮不聽則任之而已

答朴世輝

又曰喪無三年者不得爲二祥在三殤則猶可成人無後者亦當然耶忌祭亦以故差過而又全然無事雖在三殤亦有所不忍追後擇日略倣二祥行之或較於人情耶然似涉義起不敢質言

答尹拯

問程子曰下殤之祭父母主之終其身中殤之祭兄弟主之終其身上殤之祭兄弟之子主之終其身成

人而無後者兄弟之孫主之終其身又曾子問云凡
殤與無後者祭於宗子家則程子之言與曾子不同
何耶朴廷老寒岡曰三代之時宗法甚嚴故曾子問所
謂殤與無後者祭於宗子實爲得禮之正而在今時
家法有不能如古禮則不得不如程子之言爲之矣
問程子曰下殤之祭終父母之身殤主之祔於廟者
其父母歿則當出廟而埋之乎崔碩儒慎獨齋曰也是
如此

同春問亡兒今八歲似是下殤而通典殤喪計月之
說不翅詳備計月則亡兒不滿下殤矣但程朱之論

皆無計月之說云云慎獨齋曰三殤之分等定制非但程朱之論實出於儀禮當依此而行之第念小兒立主不無後來難處之患貴兒之殤旣在疑似之間恐不設之爲當墓前一虞後仍於其處埋置魂帛如何

爲人後者本生親喪諸節

生父母喪去冠脫網巾

見易服條中重服人去冠當否條

聞生父母喪儀節

問爲人後者爲生父母奔喪則三袒而未奔喪則一

袒乎

崔慎

慎獨齋曰居喪之禮與在家兄弟無異而爲

位則似當一袒矣

為本生父母服

見五服條中為人後者為本生親服條

為本生舅姑服

見五服條中妻為夫黨服條

本生親喪位次哭泣之節

沙溪曰為人後者於本生父母之喪亦以服次為主

雖未安禮當然也服雖盡叅祭則當隨兄弟而哭

答黃

宗海

本生親喪出入服色

問本生喪出入當着何笠

李文載

慎獨齋曰當着蔽陽

子

尤庵曰爲本生親不杖期禮有明文杖而稍削之益無所據○世俗或着布網巾而加蔽陽子者此或不背於人情而旣無明文不敢質言

答問
秦重

又曰兒子於其私親着蔽陽子及布直領此等從俗亦無妨

答韓
如琦

本生親題主

問出繼子者於本生父母之喪不得已至祀則祝辭屬稱何以書之

姜碩
期

沙溪曰當依程子朱子之言以顯伯叔父稱之而自稱從子

伊川代彭中丞思永論濮王稱親疏曰濮王陛下

所生之父於屬爲伯陛下漢王出繼之子於屬爲
姪此天地大義生人大倫如乾坤定位不可得以
變易者也○問先儒爭濮議朱子曰此只是理會
稱親當時盖有引戾園事欲稱皇考者又問稱皇
考是否曰不是語類○朱子代劉珥述珥之兄珙之
行狀末段有曰從弟珥謹狀盖珙與珥是子羽之
子而珥出後於子羽之弟子輩故朱子以從弟稱
之

又問出繼者於所生親生時旣不以伯叔父母待之
獨於歿後何可以伯叔父母稱之沙溪曰不可無名

稱又不可以父稱之則禮當如是不可更容他議

尤庵曰本生祖先當以所後屬稱稱之矣

答宋炳夏

又曰爲人後者專意於所後其意甚嚴盖本不可二而統不可貳故也程子嘗稱濮議曰仁廟陛下之皇考陛下仁廟之嫡子濮王於屬爲伯陛下於屬爲姪此天地大義生人大倫如乾坤定位不可得以變易也苟亂大倫人理滅矣朱子曰所後父與所生父相對其子喚所後爲父終不成又喚所生父爲父此道理旣如此程朱明訓又如此則何敢兩皆稱父而并推其恩典哉况贈職官教必書其父子之名今呂令

既不敢以父子書之則當書以叔姪耶清江家事有所不敢知必有曲折然不可援以爲證以破古經及程朱之訓矣

答李端夏

問出繼人之於本生親喪稱以伯叔父母已有程朱之訓若父之兄弟只兄弟而已而所後父爲昆生父爲弟則當書以仲父耶叔父耶

趙宗溥

陶庵曰出繼人

之爲本生親喪題主終非別嫌之義此外無可變通者耶若不得已而爲之則恐當稱仲父而去旁題也

本生親祔祭

所後喪中本生親喪祔祭并論

寒岡問先妣祔祭仲兄當爲主人而仲兄所後父服

未除當服斬衰主祭祝文稱孤子否退溪曰然

問崑壽出繼從伯父之後今遭本生母喪又遭所後父喪本母祔祭崑壽當以宗子主之祝板當書曰孝曾孫孤子某使再從弟孤哀子某適于顯曾祖妣某封某氏祔以孫婦某封某氏云云又於本母前曰從姪孤子某使再從弟孤哀子某薦祔事于從叔母某封某氏適于曾祖妣某封某氏云云否與舍弟並告于本母而曰從姪某使再從弟某云云於情意極爲未安不知何如

鄭崑壽

退溪曰祔祭四稱謂雖極未安

然舍此無他道理無他故實可作稱謂只得如是

問家兄出爲大宗後今遭本生親喪祔祭告亡者自稱當如何申永植尤庵曰生父母於所後長則稱伯矣仲叔季一從原序而自稱以從子無疑矣

本生親喪慰答書式

沙溪曰爲人後者爲本生父母喪稱喪人而已不可稱孤哀也人之爲弔書者亦只以喪人待之不可稱大孝至孝也答黃宗海

尤庵曰問解中喪人之稱古今書籍未有見焉凡禮家所定書式孤哀服人之外更無他稱則恐只當於二者之間舍此則用彼而已答南溪

又曰兒子與人書式當如何程朱斷定以伯叔母似不敢違故如閔孝維重氏則慰兒子書純用此例或云稱以生親或私親而改疏爲狀改哀前爲服前似穩云此雖入俗眼而有違程朱奈何任便諸公則只入於弔善書稱以僉哀此則悖倫甚矣兒子所答亦當從程朱之儀

答尹宣舉

南溪曰當稱狀上伯叔父母服次稱喪次似宜第其辭語則不無斟酌從重處矣

答李行泰

又曰答人慰書曾見壯洞伯金相稱禍延私親此似

穩當

答俞機

遂庵曰爲人後者爲本生父母喪書疏中人之慰之者稱以尊本親某官府君某封夫人喪人答辭稱以禍延本生考妣此今日見行之規未知於禮如何也

答蔡徵休

又曰昔在華陽見高察訪晦在本親喪答先生慰書曰家門不幸叔父奄忽違背云云多士在坐莫不駭笑先生曰勿駭笑此似得禮又見同春先生弔人本生親喪曰尊本親某官府君云云二先生書式亦自不同此在後人擇而行之

答李舍

問本生親於所後父爲兄則稱伯父爲弟則稱季父

于五

金光

遂庵曰伯季之稱隨其行列之序可矣

農巖曰以禮意則當云伯母或叔母季母或云生母無妨耶所云生母恐當云本生先母

答朱逢源

陶庵曰慰人本生親喪鄙人則一遵尤翁遺式用伯叔父母例蓋以近來喪紀大壞不貳斬之義尤晦此防不可不嚴也

答沈朝

又曰答人慰狀只當書以期服人姓某狀上而已文字間不必變改

答趙宗溥

本生親喪練禫

南溪曰出後之人於其所生父母只得為期服然則

所生母練祭及禫祭出後子無可叅之義當於大祥

日即初暮大祥直受心喪之服而已答金洪福

問所後親喪中值所生親之禫則不可叅祭耶姜頤期

沙溪曰云云詳見喪變禮并有喪條中所後喪中為本生親喪持服行禫之節條

本生親喪除服後服色見心喪雜儀條

本生親喪除服後受弔見心喪中受弔條

本生親改葬時弔服見喪變禮改葬條中

親喪中出繼改服之節見喪變禮

所後喪中遭本生親喪奔哭成服之節見喪變禮

并有喪條

所後喪中爲本生親喪持服行禫之節同上

本生親喪中行所後家練祥禫吉同上

本生親喪中行所後家祭祀之節

問本生服中告廟時當用期服例以黹巾白衣行之

耶尹舜舉

慎獨齋曰心制重於期服黹巾白衣似未安

喪巾布深衣行之如何

南溪曰爲所生母之服在禮只是不杖期由此言之

於所後之祭非但饌品不減祝辭如常而已躬自行

祭無疑

答閔澱

又曰比世禮說甚詳絕無爲人後者居本生喪而入

繼後廟之制恐只是以服斷也然則雖本生喪期年之內可以要訣之意準行繼後廟之祭無疑况於伸心喪以後乎盖所謂墨衰及使服輕者入廟云者皆指當喪之人爲自己先祠而言非爲爲人後者入繼後廟而言故今人所行自不覺其爲本生重而爲繼後輕殊未安也然期制以前猶可以橫渠之廢時祀使竹監弟代行之說自諉矣至於伸心喪後則旣爲之玄冠素服黑帶正是要訣所謂服中行祀之服然則更將何俟而不一循常行之禮乎

答申琬

又曰居常服色似當降于兄弟以時服冠蔽陽子着

生布直領帶而已

視常服人加麤

然則入繼後廟之時又當

從輕着黃草笠白布直領淡黑布帶以行之

倣常服人廟之

制及墨衰之意

似無大未安者

答李華相

遂庵曰本生喪中入所後廟服色門下所定布巾布

深衣入廟行事於心頗自安於時俗不駭若黃草笠

雖是中古重服人所着而草笠亦有麤細之不齊或

涉華美近來則服人着此者絕稀反不如平凉子也

答芝村

陶庵曰本宗祭祀何敢以私喪擅有減殺耶葬後期服祭如平時出後者雖以喪人自處實則替服故也

答盧以亨

出繼子祭本生親

見祭變禮

無後本生親班祔

見祭禮班祔條

出嫁女本生親喪諸節

出嫁女爲本生親服

見五服條

出嫁女本生親喪計聞訃日除服當否

見喪變禮

追喪條

父母喪中在舅姑側受吊之節

見離喪次節條中服人

不在喪次者受吊條

父母喪中歸夫家諸節

見居喪雜儀條中大小喪練後葬後婦家

之節
條

出嫁女親喪練祭無變除

問云云

閔維
重

同春曰云云

詳見五服變除條中服期
者十一月練祭無變除條

服中出嫁

尤庵曰女大功未盡而出嫁恐當依未練而出則三年之例遂之而不可徑除也

答金
韓

出嫁女喪畢後服色

牛溪問出嫁女期喪畢月欲製淡甘察蓋頭淡甘察髮縫白布長衣以易喪服而哭之以此居心喪未知此制無大悖否龜峰曰來示未穩何得更制喪服只

宜不服華盛而已

遂庵曰父在母喪禫後適人女子服色衣用白裳用

玉色士大夫家通行之禮

答蔡徵休

妾子本生親喪諸節

妾子爲本生親服

見五服條

承重妾子爲所生母喪服色

尤庵曰庶子承重者爲其母總則其服極輕然禮既許心喪三年則與凡總有間其居處飲食一與諸兄弟無異則其出入時服亦當與凡總有異嘗見世人以麤布爲衣着菽陽子雖未知其必合於禮而恐爲

得宜

答玄以規

問庶子為父後者為其母總成服時着布網巾布直

領云云

慎克泰

陶庵曰服總仍心喪以終三年既有明

文其間小節目自當斟量而至於布網巾直領無或

過否

庶孽婦人銘旌稱號

見銘旌條

妾子所生母題主

同春問庶子祭其母當何稱云云沙溪曰云云

詳見祭禮

妾子諸禮條中承重妾子祭其母條

同春曰當書亡母以別於嫡母庶子之子則宜稱其

父母為考妣改題其祖母則依舊稱亡祖母可矣

答李

尚賢

南溪曰所生母只當稱亡母若以退溪亡字未安之

意為拘則以故字代之亦可

答朴泰崇

妾孫為其祖母服盡後主祥禫

見大祥條中服盡後主祥

禫條

妾子承重者其母葬前行祭當否

問妾子承重者遭其母喪而其嫡父母忌辰在於葬

前則祭祀何以為之

宋奎瀛

尤庵曰承重妾子其母葬

前凡先世祭祀當依同宮則雖臣妾葬而後祭之文

廢之矣葬後則渠是總服人行之自如常矣若是異宮則雖葬前似無不可行之義矣嫡父之說未安

師友喪諸節

師喪

舅師兼服及師之親與妻無服并論

栗谷曰師則隨其情義淺深或心喪三年或期年或

九月或五月或三月

擊蒙要訣
○下同

又曰師喪欲行三年期年者不能奔喪則當朝夕設位而哭四日而止若情重者不止此限○師友雖無服月朔會哭亦同

問師喪或三月五月九月期三年者不食肉不參宴

樂而素衣黑帶乎

直金公

栗谷曰然

尤庵問師喪何無定制服之當如何沙溪曰禮經及諸儒說可攷

檀弓孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服○王肅曰禮師弟子無服以弔服加麻臨之哭之於寢○曹弁敏問弔服加麻者幾時而除鄭稱答凡弔服加麻者三月除之○蜀醮周曰雖服除心喪三年○庾蔚之曰今受業於先生者皆不執弟子之禮惟師氏之官王命所置故諸

王之敬師國子生之服祭酒猶粗依古禮弔服加麻旣葬除之但不心喪三年耳○張子曰聖人不制師之服師無定體如何是師見彼之善而已效之便是師也故有得其一言一義如朋友者有相親炙而如兄弟者有成就已身而恩如天地父母者豈可一槩服之故聖人不制其服心喪之可也孔子歿弔服加麻亦是服也却不得謂無服也○程子曰師不立服不可立也當以情之厚薄事之大小處之如顏閔於孔子雖斬衰三年可也其成已之功與君父並其次各有淺深稱其情而已下

至曲藝莫不有師豈可一槩制服○丘氏曰宋儒
黃榦喪其師朱子弔服加麻制如深衣用冠經王
栢喪其師何期服深衣加帶經冠加絲武栢卒其
弟子金履祥喪之則加經于白巾經如總麻而小
帶用細苧黃王金三子皆朱門之嫡傳其所製之
師服非無稽也後世欲服師之恩義者宜準之以
爲法云云○擊蒙要訣云云見

慎獨齋曰出入衣服當用白色或綿或布不可用華

盛與恒人同也首則加麻腰亦有帶期九月五月三

月亦當加麻也

答申
吳

尤庵曰弔服加麻此所謂無服之服也所謂心喪也
除此而復心喪云者尋常未曉其說也期九月而飲
酒食肉則心喪之意安在此不如量其力而只三月
可也

答朴
世義

又曰師服以單股環絰及白布巾并着白布衫謂之

吊服加麻帶則或布或綿皆無所妨

答戶
明遇

又曰師服若自量月數未盡之前不飲酒不食肉居

處於外一如子爲父母心喪之制則婚禮何可冒行

乎不然而只如緦小功服之後無所變於常而徒廢

此婚禮則恐是半上落下之義也赴舉與否與此同

先賢議論開錄于後

答金益輝

程子曰祖父母喪須是不赴舉今法雖無明文爲士者祖父母期服內不當赴舉○今師服若準祖父母期服則當準程子說矣○李晦叔問爲長子三年及爲伯叔兄弟許赴舉不知赴舉時還吉服耶朱子曰此等事只得遵朝廷法令若心不自安不欲赴舉則勿行可也○今師服若準伯叔兄弟期服則亦當如朱子說矣

問丘儀引勉齋魯齋仁山喪師之服備要亦引之而無所折衷未知沙溪之喪先生之服之也如何

李尚賢

同春曰昔歲先師之喪只倣丘儀而爲之但有未詳備者弔服加麻而已無冠與衣裳帶經也

南溪曰兄嘗以兩師一善一否而不知取舍之衷爲言弟敢以寒岡所處於退溪南冥者奉告然自古及今絕無這等事例而其能相近者如此安可不以此量度比較而處義其中乎

如朱子之斥象山甚矣楊敬仲以下亦多以書尺質

問況於所師之人其可輕有取舍耶

夫師弟之義檀弓所記固以極至

者言以該其餘矣以程張所論言之服師者有如父母兄弟朋友之例云者固已和心喪三年在其中大義之相關推此可知然則恐難以其情義淺深之說

遂直爲師獨異於君父也苟爲然者當服期年以下
皆不得與此是將目之以師弟而不爲左右就養不
爲無犯無隱不爲服勤至死只管量服功總而已古
今天下豈有如許道理而藥子所謂生三事一者其
爲偏枯不仁甚矣然則爲師之服雖異而事師之義
實同不待顏曾之於孔子而分義之嚴已明也
答尹拯
又曰師服禮經與程朱少異大抵禮經從重處而言
程朱就其中分輕重要皆不可廢然愚意師生之義
不當隨服制而漸降盖如庶人服國君三月然其君
臣之義未嘗與公卿大夫異故也白巾單股經固所

謂弔服加麻矣若其為師當法之制則可以金仁山

諸公所處斟酌行之也

答崔瑞吉

又曰師服之制嘗考成一說蓋以冠絲武或白巾總

經帶白布深衣為之

答梁處濟

遂庵曰老先生葬時門人白布巾加練麻環經素服

加練布夾帶矣

答成爾鴻

陶庵曰師服一以三年為準固合於事一之義然先儒參酌降殺之論蓋亦似度其可行之者而行之者也雖無制服此當預定於加麻之日臨時裁處恐不成道理解官則自古無聞豈以伸二年者方可為而

三年絕無而然耶

答朴聖源

問女壻服舅服而兼師服則服何服耶

李徹夏

陶庵曰

舅服總也師喪三年也雖若有輕重而總則正服也三年則心喪也正服則先王所制宜不敢以私恩私義有所通變愚意則服正服以終其月其後則素服素帶以自伸其情義似宜然勉齋朱門嫡傳也不服以舅服以師見於丘氏說矣唯就此兩端而裁擇之也

南溪曰君則已爲斬衰之服而其親與妻又有臨上之義故不得不爲之從服師則只有心喪之制而其

親與妻又無養育之恩故不得爲之服喪嘗見下春
亭祭鳳陽夫人其辭甚戚而李師善妻亦爲栗谷心
喪此則秉彝之心猶有所存蓋春亭及李公乃圃隱
栗谷之門人也

答金克成

居憂中遭師喪

見居喪雜儀條

朋友喪

處以師友之間并論

栗谷曰友則雖最重不過三月

擊蒙要訣

龜峰曰尊兄云友則雖最重不過三月如此斷定似
亦未安古禮於師服自三年以下不定月數者甚有
其意師友一體愚意以爲師之合行心喪三年義同

生我者是真所謂師也自其下則皆是友服也友亦情義輕重甚有等級何可以一定論哉

答栗谷

栗谷曰月朔會哭云云

詳見師喪條

問朋友之喪或七日或五日不食肉則白衣居外寢可乎栗谷曰然

問朋友相爲服如之何

李惟泰

沙溪曰禮經及先儒說

可考

喪服傳朋友麻註朋友雖無親有同道之恩相爲服總之經帶檀弓曰羣居則經出則否其服弔服也疏羣謂七十二弟子相爲朋友在家居止則爲

之經出家行道則否孔子之喪二三子皆經而出是爲師出行亦經也凡弔服直云素弁環經不言帶或曰有經有帶弔服旣着衰首有經不可着吉時之大帶明矣首言環經則有帶未必如環但五分去一爲帶糾之矣○記朋友皆在他邦袒免歸則已註謂服無親者當爲之主每至袒時袒則去冠代之以免已猶止也歸有主則止也主若幼少則未止小記曰大功者主人之喪有三年者則必爲之再祭朋友虞祔而已疏或共遊學皆在他國而死者每至可袒之節則爲之袒而免與宗族五

世袒免同歸則已者謂在他國袒免爲死者無主
歸家自有主則止不爲袒免也○朱子曰經但云
朋友麻則如弔服而加麻經耳然不言日數至於
祭奠則溫公說聞親戚之喪者當但爲位哭之不
當設祭以其神靈不在此也此其大槩如此亦當
以其厚薄長少而爲之節難以一定論也

尤庵曰禮爲朋友弔服加麻弔服似以今之素衣當
之麻者以練麻單股爲環經而加於首矣然今世有
難行者只素帶三月亦可以伸情矣

答朴世振

同春曰弔服加麻者三日而除之一說旣葬除之云

今於明朔除之留其服爲送葬之用似穩且吾輩於此老當處以師友之間更加數月心哀使半於前喪恐當此老指慎獨齋○與尤庵

問親朋外於旅館則飯舍之節朋友似當爲之而慎齋以爲難行云云李光國遂庵曰天王之喪宗伯飯舍

朋友主喪於旅館有何難行之義

問大忌正齋日聞切親或相切之友訃音云云李寒

岡曰切親有服則當廢祭而奔哭無服而情切則祭畢別爲位以哭情不甚厚而聞訃累日則亦不必追哭

問曾子曰朋友之墓宿草不哭今在遠地練後弔則猶且不哭乎

吳允諧

沙溪曰曾子之說雖如此若情厚

則哭之何害亦人情之所不能已也


尤庵曰朋友之墓有宿草是期年後也古人於朋友期年前則至其墓必哭矣期年後則未也故其立言如是矣然身病地遠期年始至其墓則亦何可不哭

答朴是曾

退溪曰朋友之喪非至親之比則恐不必先至墓况既葬返魂之後几筵爲重奠於几筵而兼行弔爲當若三年已過當就墓不可就人家廟而行之也

答金富倫

禮疑類輯卷之十四



來

齋

禮

七